

“Ket sapulendacto, ket masaracandac,
intono birukendac iti amin á pusoyo.”

**CASANO TI
PANNAKAAMMO
TI DIOS**

CASANO TI PANNAKAAMMO TI DIOS

Kas ken Abraham a gayyem idi ti Dios babaen iti panagrucbab ken panagtulnog na iti Dios, mabalinmo met nga ammoen ti Dios babaen ti panacapadas ti asi, talna, ken ti bendisionna. Ti pannacaamo ti Dios ket ti napudno unay a panagtulnog ken ti panangidalan na ti biagmo, daytoy ti pudno unay a capadasan ti biag. Anian a nacascasdaaw a ti Dios ipakaammona ti kinasiasinona cadagidiay nga mangsapul kenkuana ti amin a pusoda!

Ket no agsubli ka iti bukod mo a dalan ket pudno nga idaton mo ta biagmo ti Dios ti Espirituna ket agbiag kenka. Awan ti makaisina kenka iti ayat ti Dios kas agtalecca cadagiti carcarina ket suroten isuna nga addaan panagtulnog. Isu ti agbalin a Diosmo, ket sika met agbalinka a kapapatgan a cucuana. Mammaamoam nga sica ket ginatangnaka iti capapatgan a bayad, ket cayatna iti panakimaymaysana kenka itatta ken iti agnanayon.

Dawatem ti Dios nga ikkannaka iti pannakaawat a mangadal kadagiti panid a naadaw iti sao ti Dios. Pinaltiinganna dagiti nadiosan a tattaona tapno maisuratda dagitoy a sasao ket naidulin a nacascadaw iti amin a panawen uray no casano a ni Satanas ket pukawenna ida.

Amin a nailanad ditoy ket naadaw ti Biblia: ti Linteg (Torah), ti Psalmos (Zabur), surat dagiti profeta, ken ti Evanghelio.

Ni Jehova á Diostayo isu ti maymaysa á Jehova; ket sica ayatemto ni Jehova á Diosmo iti isu-amin á pusom, ken iti isu-amin á cabaalam. —Deuteronomio 6:4b, 5

Isaias 45:18

Ta castoy ti cuna ni Jehova á namarsua cadagiti langlangit, ti Dios á nangbukel ken nangaramid iti daga, isu á nangpasingked kencana ken isu pinarsuana á saan nãga onãgaong, á binukelna tapno isu ti pagyanan: Siac ni Jehova; ket awan ti sabali.

I Ar-ari 8:60

Tapno dagiti amin á tattao iti daga maammoanda á ni Jehova isu ti Dios, nãga awan sabali.

Siac ni Jehova, dayta ti naganco; ket ti dayagco diacto ited iti sabali, ket diac met ited ti dayawco cadagiti kinitikitan á lادلادawan. —Isaias 42:8

Isaias 43:10, 11; 45:22

Dacayo dagiti sacsic, cuna ni Jehova, ken ti adipenco á pinilic; tapno maammoanyo ken patien-dac, ken maawatanyo á siac daydiay: awan idi ti nabukel á Dios nãga immun-una nãgem siac, ket awanto met iti sumaruno caniac. Siac, siac met laeng ni Jehova; no saan á siac awan ti mangisalacan. Kitaendac, ket maisalacancayo amin á pungto ti daga; ta siac ti Dios, ket awanen ti sabali.

2 TI DIOS KET MANANGNGAASI KEN MANAGPARABUR

Dagiti Salmo 103: 8, 11

Ni Jehova sicacaasi ken siaayat, namayamay n̄ga agpungtot, ket aglaplapusanan iti kinamanagayat. Ta cas can̄gato dagiti langlangit iti n̄gatoen toy daga, casta ti cadackel ti kinamanagayatna cadagiti agbuteng kencuana.

Dagiti Salmo 103:17a, 18b

N̄gem ti kinamanagayat ni Jehova cadagiti agbuteng kencuana manipud iti kinaagnanayon agpapan iti kinaagnanayon, . . . ken cadagiti manglaglagip cadagiti alagadenna n̄ga aramidenda ida.

Mikias 7:18

Siasino ti Dios á cas kenca, á mamacawan ti kinadangkes, ken

palabasenna ti salun̄gasing ti tidda ti pagtawidenna? isu saanna á taginayonen ti pungtotna iti agnanayon, ta pagayayatanna iti kinamanagayat.

Dagiti Un-unnoy 3:22

Isu ti kinamanangn̄gaasi ni Jehova á saantay á maibus, ta dagiti caasina saan n̄ga aggibus.

Dagiti Un-unnoy 3:32

Ta nupay pinaldaangna, addanto pay laeng asina á cas mayalubog iti caadu ti kinamanangn̄gaasina.

I Cronicas 16:34

O agyamancayo ken Jehova; ta isu naimbag; ta ti naayat á kinaimbagna agibtur iti agnanayon.

Malakias 1:2a

Siac inayatcayo, cuna ni Jehova.

Dagiti Salmo 103:13

Cas panangngaasi ti maysa nga ama cadagiti annacna, casta ti panangngaasi ni Jehova cadagiti agbuteng kencuana.

Jeremias 31:3

Ni Jehova nagparang caniac iti nabayagen á pannawen, a kinunana, Wen, siac nagayatac kenca iti agnanayon á panagayat: gapuna á babaen ti kinamanangngaasi inyasidegca.

Jeremias 29:11

Ta ammoc dagiti panpanunot á panunotec á maipapan cadacayo, cuna ni Jehova, panpanunotda ti

cappia, ket saan nga iti dakes, tapno mangted cadacayo ti inanama iti maududi á pagtungpalanyo.

I Juan 4:16a, 19

Ket dacami naammoanmi ket pinatimi ti ayat ti Dios nga adda cadatayo. Datayo agayattayo, agsipud ta isu inayatnatayo nga imuna.

Sofonia 3:17

Ni Jehova á Diosmo adda iti nagtengngaam, ti maingel á mangisalacanto; agragonto kenca á mabuyugan iti panagragsacsac; aginananto iti ayatna; agragsacto kenca á mabuyugan iti panagcancanta.

PANANGAMMO ITI DIOS ISUT NAINDAKLAN A BANAG

Daniel 11:32b

Ngem dagiti tattao á bigbigenda ti Diosda napigsadanto ken agaramiddanto iti nacascasdaaw.

Jeremias 9:24

No di ket ti agpasindayag agpasindayag coma iti daytoy, nga isu adda pannacaawatna ken ammonac, á siac ni Jehova nga agaramid ti kinamanangngaasi, kinajusticia, ken kinalinteg ditoy daga; ta cadagitoy á banbanag agragsacac, cuna ni Jehova.

Deuteronomio 30:19b, 20a

Ti bendicion ken ti lunod: isu ti gapuna á piliem ti biag tapno agbiagca, sica ken ti putotmo; ti

panagayat ken Jehova á Diosmo, ti panagtungpal iti timecna, ken ti idedecket kencuana; ta isu ti biagmo.

Bendito dagiti mangsalimetmet cadagiti pammanecnecna, nga agbiroc kencuana iti amin á pusoda. —Dagiti Salmo 119:2

Dagiti Salmo 42:1

Cas panagal-al ti ugsa á mawaw cadagiti baresbes á dandanum, casta ti panagal-al toy cararwac á mawaw kenca, O Dios.

Exodo 33:14

Ket ni Jehova kinunana, Ti panangimatangco cumuyogto kenca, ket siac paginanaencanto.

TI BIAG A NAISINA ITI DIOS KET NACAAM-AMAC 5

II Cronicas 15:2b

Ni Jehova adda cadacayo, bayat ti caaddayo kencuana; ket no isu ti sapulenyó, masaracan-yonto n̄gem no isu ti baybayanyo baybayannacayto.

II Pedro 2:9

Ti Apo ammona n̄ga isalacan dagiti nasingpet iti pannacasulisogda ken aywanan dagiti managdacadakes á maipaay iti pannacadusa, iti aldaw ti pannacaocom.

Dagiti Proverbio 16:25

Adda dalan á cas la nalinteg iti maysa á tao, n̄gem ti panungpalanna daldalan ni patay.

Jeremias 17:9

Ti puso manan̄gallilaw á nacarcaro n̄gem dagiti amin á banag, ket isu napalalo á nagdakes; asino ti macaamo kencuana?

I Samuel 12:15a

N̄gem no dicayto ipan̄gag ti timec ni Jehova, no di ket sumun̄gitcayto á maibusor iti bilin ni Jehova, iti casta bumusorto cadacayo ti ima ni Jehova.

Juan 15:6

No adda saan n̄ga agnaed caniac, maibel-lengto iti ruar á cas ti santác ket magan̄gonto: ket urnun̄gendanto ken ibel-leng iti apuy, ket mapuuranto.

TI PANNACAAMMO ITI DIOS KET MASAPUL A BIROKEN

Jeremias 29:13

Ket sapulendacto, ket masaracandac, intono birukendac iti amin á pusoyo.

Dagiti Proverbio 2:4, 5

No isu birukem á cas pirac, ken tontonem á cas nalmeng á gamgameng: iti casta maawatamto ti panagbuteng ken ni Jehova, ken masaracamto ti pannacaammo iti Dios.

Hebreo 11:6

Ngem no awan ti pammati, saan á mabalin nga ay-aywen ta masapul á ti umadani iti Dios, patienna coma nga adda ket gungunaanna dagiti mangsapul kencuana.

Mateo 7:7

Agdawatcayo, ket maiccancayto; agsapulcayo ket macasaracayto: umawagcayo ket mailucantancayto.

Dagiti Proverbio 8:17

Ayatec dagiti agayat caniac; ket dagiti mangbiruc á sigaganetget caniac masaracandacto.

Dagiti Un-unnoy 3:25

Ni Jehova naimbag cadagiti aguray kencuana, iti cararua nga agsapul kencuana.

Job 5:8

Ngem ti maipapan caniac, birukec coma ti Dios, ket iti Dios itallecco coma ti panggepco.

PAGAYATAN TI DIOS A MAPAN TAYO KENCUANA 7

II Cronicas 30:9b

Ta ni Jehova á Diosyo naparabur ken naasi, ket saannanto nãa itallicod ti rupana cadacayo, no agsublicayo kencuana.

Ta sica, Apo, naimbagca, ken sisasaganaca á mamacawan, ken aglaplapananaca iti kinamagayat cadagiti amin nãa umawag kenca. —Dagiti Salmo 86:5

Santiago 4:8a

Umadanicayo iti Dios, ket isu umasidegto cadacayo.

Dagiti Salmo 145:18

Ni Jehova siaarpad cadagiti amin nãa umawag kencuana, cadagiti amin nãa umawag kencuana iti kinapudno.

Isaias 1:18a

Umaycayo ita, ket agsusurottayo coma, cuna ni Jehova: uray no dagiti basbasolyo casda la coma iti escarlata, mapapudawdanto á cas la nieve.

Mateo 11:28, 29

Umaycayo caniac dacayo amin nãa agrigrigat ken madagdagsenan, ta paginanaencyto. Alaenyo ti sangolco cadacayo, ket agsursurocayo caniac, ta siac naemmaac ken napacumbabaac iti panagpuspusoc; ket macasaraccayto ti inaná á maipaay cadagiti cararuayo.

Juan 6:37b

Ti umay caniac, diacto pagtala-wen.

Exodo 15:11a

Asino ti pumadpad kenca, O Jehova, ... nagloriaan iti kinasanto?

I Samuel 2:2a

Awan ti nasantoan á cas ken Jehova ta awan iti lacsidmo.

Job 34:10b

Adayu coma nãa ipagarup á ti Dios, aramidenna ti kinadangcoc, ken iti Mannacabalin, nãa isu aramidenna coma ti kinadangkes.

Apocalipsis 15:4a

Siasino ti di agbutengto kenca, O Apo, ken saan a mangidaydayawto iti naganmo? Ta sicsica laeng ti santo.

Isaias 6:3b

Santo, Santo, Santo ni Jehova dagiti buybuyot: ti isu-amin á daga napno iti dayagna.

Isaias 57:15a

Ta castoy ti cuna ti Nanãato ken Natan-oc nãa agnaed iti agnayanon, á ti naganna Santo; Agnaedac iti nanãato ken nasantoan á disso.

Dagiti Salmo 145:17

Ni Jehova sililinteg cadagiti amin á dalanna, ken sipaparabur cadagiti amin nãa aramidna.

Marcos 10:18b

Awan ti naimbag no di maymaysa, nga isu ti Dios.

DAGITI TATTAO TI DIOS MASAPUL NGA AGBIAGDA A NASANTOAN

9

Santiago 2:19, 20; 1:22

Sica patiem á ti Dios maymay-sa? Naimbag ti aramidem: dagiti sairo patienda met ket agpigergerda. Ngem cayatmo nãa ammoen, tao á maag á ti pammati á di mapacuyugan cadagiti ar-aramid isu ti eppes? Ngem managtungpalcay coma iti sao ket saan laeng a managdengngëg, nãa allilawenyo dagiti bagbagiyo met laeng.

I Juan 2:4; 3:10

Ti agcuna nãa: Isu ammoc, ket dina met tungpalen dagiti bilbilinna, isu ti naulbod ket awan ti pudno kencuana. Iti daytoy maipara-

nãarang dagiti annac ti Dios ken dagiti annac ti diablo, siasinoman á saan nãa agaramid ti kinalinteg, saan á tao ti Dios, uray ti di agayyat ken cabsatna.

Dagiti Proverbio 15:9

Ti dalan ti nadangkes macarimon ken ni Jehova; ngem ayatenna ti sumurot iti kinalinteg.

Hebreo 12:14

Surutenyo ti talna cadagiti isuamin, ken ti kinasanto, á no awan, awanto ti macakita iti Apo.

I Pedro 1:15

No di ket cas daydiay nanãayab cadacayo isu ti santo, agsantocayo met iti amin á kita ti panagbiag.

10 DAGITI BANBANAG NGA IMBILIN TI DIOS

Mikias 6:8b

Ket ania aya ti iparebbeng ni Jehova kenca, no di laeng ti agaramid á sililinteg, ken iti kinamanangngaasi ken pannagna á sipapacumbaba iti Diosmo?

Levitico 19:2b

Dacayo agsantocayto; gapu ta siac á Jehova á Diosyo, santoac.

Lucas 10:27b

Ayatem ti Apo á Diosmo iti isuamin á pusom, ken iti isuamin á cararuam, ken cadagiti amin á pigsam, ken iti amin nga isipmo; ken ti caarrobam á cas iti bagim.

Ammon dagiti bilbilin: Dica mapatay; Dica makiabig iti dica asawa; Dica agtacaw; Dica agsao

ti natiri á pangpanecnec; Dica agulbod; Dayawem ni amam ken ni inam. —Marcos 10:19

Taga Roma 12:2a

Ket dicay umabuloy itoy lubong, no di ket agbalbaliwcayo, gapu iti pannacapabaro ti isipyo.

Daytoy á libro ti linteg dinto umadayo ita ngiwatmo: no di ket iti aldaw ken iti rabii panpanunotemto, tapno tungpalem nga aramiden ti cas mayalubog iti isuamin nga adda á naisurat kencana: ta iti casta parang-ayemto ti dalanmo ket iti casta addanto naimbag á banagmo. —Josue 1:8

Marcos 11:22b

Mamaticayo iti Dios.

Dagiti Proverbio 6:16-19

Adda innem á banag á guraen ni Jehova; wen, pito dagiti macarimon kencuana. Natangsit á matmata, naulbod á dila, ken im-ima á mangibuyat iti dara nãa awan basolna; puso nãa agpacpakinakem cadagiti nadangkem á panggepen, sacsaca á nacarting á tumaray iti panangranggas, natiri á sarsi nãa agbalicas iti ulbod, ken ti agmula iti riri cadagiti agcacabsat.

Apocalipsis 21:8

Nãem no maipapan cadagiti natacrut, ken cadagiti di mammati, ken dagiti nasabrac, ken dagiti nacapapatay, ken dagiti mannaki-

camalala, ken dagiti managanito, ken dagiti agrucbab cadagiti didiosen, ken dagiti isu-amin nãa agululbod ti bingayda addanto idiaiy danaw á sumsumged ti apuy ken azufre: daytoy ti ipapatay á maicadua.

Isaias 61:8a

Ta siac, ni Jehova, ayatec ti kinajusticia, guraec ti panagtacaw.

Malakias 2:15b, 16a

Gapuna aywananyo ti espirituyo, ket awan coma ti uray siasino á mangliput iti asawa a babai ti kinaagtutubona. Ta siac guraec ti panangisina cuna ni Jehova, . . . ken daydiay mangabbong iti pagananayna iti ranggas.

12 DAGITI TATTAO NAGCURANGDA ITI LINTEG TI DIOS

Santiago 4:17

Ti macaammo n̄garud n̄ga agaramid iti nasayaat, ket dina aramiden, basol kencuana.

N̄gem siac amammocayo n̄ga awan cadacayo ti panagayat iti Dios. —Juan 5:42

Santiago 2:10

Ta ti siasinoman á mangtungpalto iti amin á linteg, ket macasalun̄gasingto uray maymaysa agbanagto á pacabasolanna amin.

Taga Roma 3:10

Cas adda á naisurat: Awan ti nalinteg, uray maysa.

Idin kinunac, Asiac pay! ta madadaelac; agsipud ta taoac á narugit dagiti bibigna ket makipagta-

en̄gac cadagiti tattao á narugit dagiti bibigda: ta dagiti matac nakitada ti Ari, á ni Jehova dagiti buybuyot. —Isaias 6:5

Taga Roma 3:23

Ta isuda amin nagbasolda ket agcurangda iti dayag ti Dios.

Siasinoman á saan n̄ga agaramid ti kinalinteg, saan á tao ti Dios, uray ti di agayat ken cabsatna. —I Juan 3:10b

Datayo amin castayla carcarnero á nayawawan; nagturing ti tunggal maysa cadatayo iti dalanna met laeng. —Isaias 53:6a

Siasino ti macabael n̄ga agtader iti san̄go ni Jehova, daytoy nasantoan á Dios? —I Samuel 6:20b

ITI CABUCBUCODAN TAYO A KINALINTEG KET 13 SAAN A MAAY-AYO TI DIOS

Taga Roma 10:2, 3

Ta panecnecac ida n̄ga adda reg-tada á maipapan iti Dios, n̄gem saan á cas mayannurot iti sirib. Ta idinto á dida ammo ti kinalinteg ti Dios, ket idinto n̄ga agawanda n̄ga isaad ti bucudda á kinalinteg, saanda á nagtulnog iti kinalinteg ti Dios.

Taga Roma 8:8

Ket dagiti agbiag á linalasag saanda á mabalin n̄ga ay-ayaten ti Dios.

Ezequiel 33:13

No cunac iti nalinteg, n̄ga isu agbiagto á di-bumurong; no isu

agtalec iti kinalintegna, ket agaramid ti kinadakes, awanto cada-giti nalinteg á gapuananna ti malagip; no di ket iti kinadakesna n̄ga inaramidna, iti daydiay mata-yto.

Isaias 64:6a

Ta dacamin amin nagbalincami á cas maysa á narugit, ket amin á kinalintegmi isuda ti cas maysa á narugitan á pagan-anay.

Taga Roma 3:20a

Agsipud ta, awanto ti lasag á maibilang á nalinteg iti san̄go ti Dios gapu cadagiti ar-aramid ti linteg.

Taga Roma 5:12

Gapuna, no casano ti iserrec ti basol ditoy lubong gapu iti maymaysa á tao, ken ti ipapatay gapu iti basol, ket iti casta ti ipapatay immay cadagiti isu-amin á tattao, agsipud ta isuda nagbasolda amin.

Isaias 59:2

Ngem dagiti kinadangkesyo namagsinada cadacayo ken iti Diosyo, ket dagiti basbasolyo inlemmengda ti rupana cadacayo, iti casta dinto mangipanag.

II Cronicas 24:20b

Castoy ti cuna ti Dios, Apayapay salungasingenyo dadgiti bil-bilin ni Jehova, iti casta dicayo

mabalin ti rumang-ay? agsipud ta binay-anyo ni Jehova, isu binaybayannacayo met.

I Samuel 15:23a

Ta ti kinasukir isu ti cas iti basol á panangcuculam, ket ti kinasungit isu ti cas panagrucbab cadagiti ladladawan ken didios. Agsipud ta sica binaybay-am ti sao ni Jehova, isu binaybay-annaca met.

Dagiti Proverbio 11:19

Ti sitatalinaed iti kinalinteg macagtengto iti biag; ket ti mangsurot iti dakes aramidenna iti pacatayanna met laeng.

Ti cararua nga agbasol, matayto.
—Ezequiel 18:20a

Dagit Salmo 7:11

Ti Dios isu ti maysa n̄ga ocom á nalinteg, wen, maysa á Dios á mapaun̄get iti inaldaw.

Taga Colosas 3:6

Gapu cadagito y á banag unay ti pungtot ti Dios cadagiti annac ti kinasukir.

Taga Roma 1:18

Ta ti pungtot ti Dios maipara-n̄garang manipud lanḡit, á maibusor iti amin á kinadangcuc ken kinakil-lo dagiti tattao, á lappedanda ti kinapudno gapu iti kinadakes.

Taga Roma 1:29-32

A napnoda iti amin á kinakil-lo,

kinadakes, agum, dakes á nakem; napnoda iti apal, panagpapatay, ringgor, ulbod, kinadangcuc; managuyuyaw. Managdadaelda, managgurada iti Dios, nacuspag, napalangguad, napasindayag, managparnuay cadagiti dakes á banbanag, nasukir cadagiti dadackelda. Awan isipda, saanda á matalec cadagiti tultulag, awan ti ayatda á nacaparsuaan, awan asida; N̄ga idinto n̄ga ammoda dagiti pagal-alagadan ti Dios, á dagiti agaramid cadagiti cacasta á banbanag, maicarida ken patay, saan laeng n̄ga aramidenda ida, no di ket umabuloyda pay cadagiti agaramid cadacuada.

16 TI PANAKAOCOM KET ADDA TI MASAKBAYAN

Hebreo 9:27

Ket gapu ta naituding cadagiti tattao á matayda iti maminpin-san, ket inton malpas daytoy ti pannacaocom.

Mateo 12:36

Ket cunac cadacayo, nãa amin á sao nãa awan capapaayanna á saonto dagiti tao, isu ti sungba-tandanto iti aldaw ti pannacocom.

Hebreo 10:31

Nacabutbuteng ti matnag cada-giti im-ima ti Dios á sibibiag.

Mateo 13:49, 50

Castanto intono panungpalan ti lubong: rummuarto dagiti angel, ket ilasindanto dagiti dakes cada-

giti nalinteg. Ket ipuruacdanto ida iti horno ti apuy: idiy addan-to dagiti sangsanãit ken nãar-nãaretnãet dagiti nãipen.

Apocalipsis 20:12, 15

Ket nakitac dagiti natay, babas-sit ken dadackel, á nagtatacder iti sanãoanan di trono; ket nabistrad dagiti pagbasaan; nabistrad met ti sabali á pagbasaan, nãa isu ti pagbasaan ti biag, ket dagiti natay naocomda cadagiti banba-nag á naisurat cadagiti pagba-saan cas mayannurot cadagiti aramidda. Ket no ti siasinoman saan á nasaracan á naisurat iti pagbasaan ti biag, naitappuac idiy danaw nãa apuy.

Dagiti Proverbio 15:3

Dagiti mata ni Jehova addada iti amin á yan, á sisisiput cadagiti dakes ken naimbag.

Dagiti Salmo 139:1-4

O Jehova, sica, inusignac, ket nabigbignac. Ammom ti itutu-gawco ken itatacderco; maawatam ti panunotco nãa adayo pay laeng. Mabigbigmo ti danac ken panagiddac, ket pagaammom unay dagiti amin á dalanco. Ta awan pay ti sao ditoy dilac, nãem adtoy, O Jehova, ammomon amin.

I Samuel 16:7b

Agsipud ta isu saanco nãa awaten; ta ni Jehova saan á cumita á

cas iti ikikita ti tao; ta ti tao kitaenna iti akinruar á panagparang, nãem ni Jehova kitaenna ti puso.

Jeremias 16:17

Ta dagiti matac mamatmatanda dagiti amin á dalanda; saanda á nailinged iti rupac, ket dagiti kinadakesda saanda met á nailinged cadagiti matac.

Hebreo 4:13

Ket awan ti aniaman á parsua á saan á sipapanayag iti imatangna; no di ket, dagiti isu-amin á banag addada á lamolamo ken agdadata cadagiti mata daydiay á pagidatagantayo.

18 TI PANANGTALLICUD ITI BASOL KET MASAPUL

Ezequiel 18:23

Adda aya aniaman á ragsacco iti ipapatay ti nadangkes? cuna ni Apo Jehova; saan aya á nasaysayaat nãga isu agsubli coma manipud iti dalanna, ket agbiag?

Lucas 13:3

Saan, cunac cadacayo; nãgem no dicayto agbabawi, mapucawcayto met amin iti casta.

Dagiti Proverbio 28:13

Ti mangabbong cadagiti salungasingna dinto rumang-ay; nãgem ti mangipudno ken mangbaybayan cadacuada maragpatnanto ti caasi.

Joel 2:12

Uray pay ita, cuna ni Jehova, agsublicayo caniac, iti amin á pusoyo, ken buyugen ti panagayunar, ken panagsangit, ken panagpanes.

Oseas 14:2a

Icuyogyo dagiti sasao, ket agpulangcayo ken ni Jehova; cunanyo kencuana, Iccatem amin á kinadakes, ket awatennacami á siccacasi.

Job 33:27, 28

Isu agcanta iti sangõanan dagiti tattao, ket cunana, nagbasolac idi, . . . Isu sinubbotna ti cararuac iti iseserrec iti dariwangwang, ket ti biagco kitaennanto ti lawag.

TI PANAGBABAWI PATAUDENNA TI PAMMAKAWAN 19

Isaias 55:7

Ti managdacadakes bay-anna coma ti dalanna, ken ti tao á saan á nalinteg dagiti pampanunotna; ket agsubli coma ken ni Jehova, ket isu caasiannanto; ken iti Diostayo, ta isu pacawanennanto iti nawadwad.

Jeremias 36:3b

... tapno agsublida coma tunggal tao manipud iti dakes á dalanna tapno pacawanec coma ti kina-dangcocda ken ti basolda.

Dagiti Salmo 32:5

Binigbigco ti basolco kenca, ket ti kinadakesco diac inlinged: kinunac, ipudnocto dagiti salu-nģasingco ken Jehova; ket sica

pinacawanmo ti kinacas-ang ti basolco.

Ni Jehova adda iti asideg cada-giti sitatarumpingay ti pusoda, ket isalacanna dagiti sibabawi ti espirituda. —Dagiti Salmo 34:18

I Juan 1:9

No ipudnotayo dagiti basbasoltayo, isu ti mapagtalcan ken nalinteg á mamacawan cadagiti basbasoltayo, ken manģugas cadatayo iti amin á kinakillo.

Agbabawicayo nģarud, ket ag-sublicayo tapno mapunas dagiti basbasolyo.—Dagiti Aramid 3:19a

Ti panagbabawi ket panangtallicud iti basol, casta met ti panangipudno iti Dios.

20 SACRIFICIO TI KASAPULAN TAPNO MAISUBLI TAYO TI DIOS

(Ti basol pinataudna iti pannakaisina.)

Levitico 17:11b

Ta dara isu ti macaaramid iti pacaabbonġan gapu ta adda kencuana ti biag.

Hebreo 9:22

Ket cas mayalubog iti linteg, nġannġani isu-amin á banag magugoranda iti dara; ket no awan ti dara á maiparucpoc, awan ti pan-nacasubbot.

Exodo 12:5a, 13a

Ti corderoyo awanto ti pacapilawanna, lalaki nġa agtawen iti maysa Ket ti dara cadagiti balbalay á pagyananyo isunto ti

pagilasinan cadacayo: ket no makitacto ti dara, labsancayonto ket awanto cadacayo ti didigra á mangpatay cadacayo.

Genesis 22:8a, 13

Ket ni Abraham, kinunana, Ti Dios mangġisagananto iti cordero á maipaay kencuana á daton á mapuuran, anacco Ket ni Abraham intannawagna dagiti matana, ket kimmita, ket adtoy, maysa á carnero á lalaki iti licudanna, á naisalat iti nasamec dagiti sarana; ket napan ni Abraham, ket innalana ti carnero ket impaayna á daton á mapuuran á sandi ti anacna.

NI JESUS ISU TI CORDERO NGA INTED TI DIOS 21

Juan 1:29

Iti sumuno n̄ga aldaw makitana ni Jesus n̄ga umay kencuana, ket cunana: Adtoy, ti Cordero ti Dios, á mangiccat ti basol ti lubong!

Isaias 53:7a

Isu naparigat, nupay idi napag-sagaba dina n̄ginan̄ga ti n̄giwat-na; cas maysa á cordero á maiturong iti pagpartian.

Hebreo 9:12, 28a

Ket saan met á gapu iti dara dagiti toro á calding ken dagiti toro, á vaca no di ket gapu iti darana met laeng, simrec iti naminpisan á maipaay iti agnanayonen idiay santo á disso á nagun-odanna ti agnanayon á pannacasubbot.

Casta met ni Cristo, idinto á naidaton iti naminsan.

I Pedro 1:18a, 19

N̄ga ammoyo á nasubbotcayo iti barengbareng á panagbiagyo, n̄ga impatawid cadacayo dagidi ammoyo No di ket gapu iti napateg á dara, daydi dara ni Cristo á cas dara ti maysa á cordero n̄ga awan ti pagdacsanna ken tulawna.

Hebreo 9:14

Dinto nangnangrona pay ti dara ni Cristo, isu á gapu iti Espiritu n̄ga agnanayon indatonna ti bagina n̄ga awan tulawna iti Dios, dalusanna ti nakemyo cadagiti aramid á natay, tapno agservicayo iti Dios á sibibiag?

PANNACAISALACAN BABAEN LAENG TI INTED TI DIOS

Taga Roma 3:24, 25a

Idinto á maibilangda á nalinteg nãa awan ti baybayadna gapu iti paraburna, á maaramat ti pannacasubbot nãa adda ken Cristo Jesus: isu nãa impaay ti Dios á daton ti pannakicappia, gapu iti pammati iti darana.

Taga Roma 5:8, 9

Nãem ti Dios ipatalgedna ti ayatna cadatayo, agsipud ta idinto á managbasoltayo pay laeng, ni Cristo natay gapu cadatayo. Nangnangrona pay nãgarud, idinto á mapalintegtayon iti darana, maisalacantayto iti pungtot gapu kencuana.

Taga Efeso 2:8

Ta gapu iti parabur naisalacancayo gapu iti pammati; ket daytoy saan á nagtaud cadacayo ta sagut ti Dios.

Dagiti Aramid 10:43

Isu á patalgedan dagiti amin á mammadto á tunggal maysa á mamati kencuana, awatennanto ti pannacaiccat dagiti basbasol gapu iti naganna.

Dagiti Aramid 4:12

Ket awan ti sabali á pacaisalacanan, uray siasino; ta awan ti sabali á nagan iti babaen ti langit, á naited cadagiti tao, á pacabalinantayo á maisalacan.

TI PANNACAIPASNGAY NI JESUS NAIPALGAC 23

...ni angel Gabriel imbaon ti Dios iti maysa n̄ga Ili ti Galilea á managan Nazaret, iti maysa á virgen á nakisacsi iti maysa á lalaki á managan Jose, á capututan ni David; ket ti nagan ti virgen, Mária... Ket daydi angel kinunana kencuana: Maria, dica agbuteng, ta nacasaracca ti gracia ken Apo Dios. Ket adtoy, agsicugcanto ken ipasn̄gaymonto ti maysa n̄ga anac á lalaki ket pagnaganamto ti JESUS. Isu natanocto, ket managanto Anac ti Cangatoan;... ket ti pagarianna awanto ti tungpalna, ket kinuna ni Maria iti angel: Casanonto daytoy? ta siac awan amammoc á la-

laki. Ket simmungbat di angel á nagcuna kencuana: Ti Espiritu Santo umayto kenca, ket ti pannacabalin ti Cangatoan salinun̄gan-nacanto; gapuna met á ti Santo á mayanacto kenca managanto Anac ti Dios... Ta awan ti sao n̄ga agtaud iti Dios, n̄ga di adda pannacabalinna. Ket kinuna ni Maria: Adtoy ti adipen ti Apo: maaramid coma caniac cas iti saom. Ket ti angel pimmanaw kencuana. —Lucas 1:26-38

Ti tao a simbrek ditoy lubong a saan nga aramid iti lasag ket ni Adam ken Jesus. Ni Adam inyegna ti basol ditoy lubong, ngem ni Jesus inyegna iti balligi iti basol.

Taga Filipos 2:6

Isu, n̄ga idinto n̄ga addaan galad á Dios, saanna n̄ga incancano ti pannakipada iti Dios, banag á rebbengna idi á salimetmetan.

Juan 10:30, 36

Siac ken ti Ama maymaysacami. Dagiti Judio pimmidutda manen ti batbato tapno uburenda. Cunaenyo iti pinagsanto ti Ama, ken imbaonna ditoy lubong; agtabbaawca; agsipud ta kinunac: Siac ti Anac ti Dios?

Ni Jesu-Cristo, iti agnanayon nga sao ket adda nga agnanayon. Cas maysa nga milagro ti Dios impalubosna a naiyanac babaen ken Maria. Ti napolisicalan a sao isu anak iti tao, ket iti naespiritualan, isu

anak iti Dios. Ti nasantoan a surat usarena iti sao nga “Anak” a mangpakita iti relation nga adda iti Dios ken iti saona ni Jesu-Cristo.

Hebreo 10:5

Gapuna iti iseserrecna iti lubong, cunana: . . . N̄gem maysa á bagi ti insaganam caniac.

Taga Roma 1:4

Isu naipakita n̄ga Anac ti Dios, gapu iti pannacabalinna, á mayanurot iti espiritu ti kinasanto, gapu iti panagun̄garna cadagiti natay; ni Jesu-Cristo n̄ga Apotayo.

Juan 20:28

Simmungbat ni Tomas, ket kinunana kencuana: Apoc ken Diosco.

I Timoteo 3:16a

Ket awan duadua, dackel ti pali-med ti kinasanto: Daydi naiparang iti lasag.

Taga Colosas 2:9

Ta kencuana agtaeng ti naanay á Kinadios á sibubukel.

Juan 8:58

Kinuna cadacuada ni Jesus: . . . idi casanġoanan ti pannacayanac ni Abraham, addacon.

Isaias 9:6

Ta nayanac ti maysa nġa ubing cadatayo, maysa nġa anac á lalaki ti naited cadatayo; ket ti panangituray maiparabawto iti abagana: ket ti naganna magaladanto iti Nacascasdaaw, Mamagbaga,

Mannacabalin á Dios, Agnanayon nġa Ama, Principe ti Cappia.

Juan 1:10

Isu adda idi iti lubong ket ti lubong napaadda gapu kencuana; ket ti lubong dina nailasin.

I Timoteo 2:5, 6a

Ta maymaysa ti Dios, ken maymaysa ti Manangibabaet iti Dios cadagiti tao, ni tao á Cristo Jesus, isu á nangted ti bagina á subbot gapu cadagiti amin a tao á pama-necnec.

Taga Colosas 1:14, 15a

A kencuana maaddaantayo ti pannacasubbot, ti pannacapacawan dagiti basbasoltayo: isu á ladawan ti Dios á di makita.

26 TI BIBLIA (NASANTOAN A SURAT) KET SAO TI DIOS

2 Pedro 1:21

Ta uray caanoman, awan ti padto á naggapu iti nakem ti tao; no di ket dagiti tattao á pinaltiingán ti Espiritu Santo nagsaoda iti biang ti Dios.

Lucas 1:70

Cas naisaona gapu iti n̄giwat dagiti nasantoan á mammadtona nanipud pay idi ginasgasut á tawen.

II Samuel 23:2

Ti Espiritu ni Jehova nagsao á gapu caniac, ket ti saona adda idi iti dilac.

II Timoteo 3:16

Isu amin á Surat n̄ga impaltiing ti Dios isu met ti naimbag á paca-

sursuroan, pacatingaran, pacabalawan ken pacaadalan iti kinalinteg.

Taga Roma 15:4

Ta dagup dagiti immun-una á naisuraten, naisuratdan tapno pacasursuroantayo, tapno gapu iti anus ken iti liwliwa dagiti Sursurat, maaddaantayo coma ti inanama.

Mateo 22:29b

Maal-lilawcayo, agsipud ta dicay ammo dagiti Sursurat wenno ti pannacabalin ti Dios.

Dagiti Salmo 138:2b

Ta sica pinadaegmo ti saom iti ringbaw ti amin ta naganmo.

Apocalipsis 19:13

Ket nagcawes iti maysa á pagananay á naparparsiacan iti dara; ket ti naganna isu ti VERBO TI DIOS.

Juan 1:1, 14a

Idi punġanay adda ti Verbo, ket ti Verbo adda iti Dios, ket ti Verbo isu, Dios. Ket daydi á Verbo nagbalin a lasag, ket nakipaggian cadatayo: (ket nakitami ti dayagna, á cas la iti dayag ti Bugbugtong nġa Anac ti Ama), napno ti parabur ken pudno.

Ni Jesus Ipacaamona iti Dios

II Taga Corinto 4:6

Ta ti Dios kinunana: Tumpuar-to ti silaw iti casipnġetan, isu á

naglawag cadagiti puspusotayo, á maipaay iti pannacalawag ti pannacaammo iti dayag ti Dios, iti langa ni Jesu-Cristo.

Juan 1:18

Awan ti nacakita iti Dios uray caano: ti Bugbugtong nġa Anac, nġa adda iti saclot ti Ama, isu ti nangipacaammo kencuana.

Ti Dios Nagsao Babaen ken Jesus

Hebreo 1:1, 2

Dios, cadagitoy maud-udi nġa aldaw, kinsaonatayo babae iti Anacna; isu á tinudinganna nġa agtawid cadagiti isu-amin nġa adda, á gapu met kencuana inaramidna ti amin á lubong.

28 ITI NAISURAT KEN SIBIBIAG NGA SAO NAIPAREHA

Ti Biblia ket Taraon ti Cararwa

Job 23:12b

Impatpategco dagiti sasao ti n̄giwatna á nangnangrona n̄gem iti masapulco á taraon.

Adda á naisurat. Saan laeng á ti tinapay ti pagbiagto ti tao, no di ket ti isuamin á sao á rummuar iti n̄giwat ti Dios. —Mateo 4:4b

Ti Biblia ket Silawanna ti Dalan Tayo

Dagiti Salmo 119:105

Ti saom pagsilawan cadagiti sacsacac, ket silaw iti danac.

Dagiti Salmo 119:130

Ti pannacalucat dagiti saom mangted lawag; mangted iti pannacaawat cadagiti nacuneng.

Ni Jesus isu ti Tinapay a Naggapu Sadi Langit

Siac ti tinapay á sibibiag á bim-maba nanipud langit: no adda mangnan itoy á tinapay, agbiagto n̄ga agnanayon, ket ti tinapay n̄ga itdecto, á pacabiagan ti lubong isu ti lasagco. Siac ti tinapay ti biag. —Juan 6:51, 48

Ni Jesus isu iti Silaw ti Lubong
Juan 1:4; 8:12

Adda idi kencuana ti biag, ket ti biag isu idi ti silaw dagiti tao. Ni Jesus kinasaona manen n̄garud idan, á cuncunana: Siac ti silaw ti lubong; ti sumurot caniac, saanto á magna iti sipn̄get; no di ket adanto kencuana ti silaw ti biag.

Ti Biblia Itedna iti Nabunga a Biag

Dagiti Salmo 1:2, 3a

Ngem ti pacaragsacanna adda iti linteg ni Jehova; ket iti lintegna imutectecanna iti aldaw ken rabii. Ket isu caslanto iti maysa á cayo á naimula iti sibay dagiti ayayus ti danum, nãa ipaltuadna ti bungana iti carbenganna.

Ni Jesus Mangted iti Nabunga a Biag 29

Juan 15:4a, 5

Agiancay caniac, ket siac cada-cayo. . . . Siac ti uvas, dacayo dagiti santác: ti agnaed caniac ket siac kencuana, daytoy ti agbungã ti adu: ta no awanac, awan ti mabalinyo nãa aramiden.

TI NASANTOAN A SURAT IPACAAMMONA NI JESU-CRISTO

Juan 5:39

Dacayo sukimatlenyo dagiti Sursurat, agsipud ta pagarupenyo nãa adda cadacuada ti biagyo nãa agnanayon; ket dagitoy isuda ti mangpanecnec ti maipapan caniac.

Lucas 24:27

Ket idinto á rinugianna manipud ken Moises ken dagiti isuamin á mammadto, impalawagna cada-cuada dagiti amin á sursurat á mangsarita iti maipapan kencuana.

TI AGNANAYON NGA SAO TI DIOS SAAN NGA AGBALBALIW

Dagiti Salmo 119:89, 160

Agnanayon, O Jehova, á ti saom sitatalinaed sadi langit. Ti pacadagupan ti saom isu ti pudno; ket tunggal maysa cadagiti sililinteg á pagbilinam agnanayon.

Ti root maganġo, ti sabong maylaylay; nġem ti sao ti Diostayo mataginayonto. —Isaias 40:8

Mateo 5:18b

Nġa aginga ti mapucaw ti langit ken daga, uray la coma no maysa á jota wenno tulnec, dinto mapucaw iti linteg, aginga ti isuamin matungpalda.

Ket ti Surat saan á mabalin á paglibacan. —Juan 10:35b

Ti tao Saanna Coma a Balbaliwan ti Biblia

Deuteronomio 12:32

Uray aniaman nġa ibilinco cada-cayo dayta ti tungpalenyonto nġa aramiden: saanmonto á naynayan, wenno curanġan.

Dagiti Proverbio 30:6

Dica nayonan dagiti sasaona, di la ket ta tubnġarennaca, ket masaracanca á mangġulbod.

Apocalipsis 22:19a

Ket no addanto mangkissay cadagiti sasao ti pagbasaan daytoy á padto, ti Dios iccatennanto ti pannacabagina iti cayo ti biag.

TI IPAPATAY NI JESUS TINUNGPAL NA TI 31 PLANO TI DIOS

Juan 10:17, 18a

Gapu iti daytoy ayatennac ni Ama, ta itedco ti biagco, tapno awatecto manen. Awan ti mangiccat caniac no di ket iyawatco á si-siac. Adda pannacabalinco á mangyawat ti biagco ken adda pannacabalinco met á mangawat manen.

Juan 19:11a

Simmungbat kencuana ni Jesus: Awan coma ti aniaman á pannacabalinmo caniac, no di coma naited kenca nanipud ngato.

Mateo 26:53, 54

Wenno pagarupem aya á diac mabalin ti agdawat ken Amak, ket

isu, ita met laeng, iccannacto ti nasuroc á sangapulo ket dua á legion dagiti angel? Ngem casa-nonto ngarud ti pannacatungpal dagiti Sursurat, á masapul á maramid ti castoy?

Dagiti Aramid 3:18

Ngem cas ti impacaammo ti Dios idi damo iti ngiwat dagiti amin á mammadto, á ti Cristona agsagabanto tinungpalna.

Isaias 53:10a

Nupay casta naay-ayo ni Jehova iti pinangpalitemna kencuana; isu pinalidayna: intono aramidem ti cararuana á maysa á daton á gapu iti basol.

TI PANNAKATAY NI JESUS NAIBAGA DAGITI SAKSI

Ket inlansada n̄ga ingiddan kencuana dagiti dua á tulisan, daydi maysa iti macanawanna, ket daydi sabali iti macatigidna. Ket natungpal ti Surat á cunana: Ket naibilang cadagiti managdacadakes. —Marcos 15:27, 28

Mateo 27:45, 50-51, 54

Ket nanipud iti maicanem n̄ga horas adda sipn̄get iti rabaw ti amin á dagá, agingga iti horas á maicasiam. . . . Ket ni Jesus nagpuccaw manen iti dackel á timec ket inyawatna ti cararuana. . . . Ket nagkintayeg ti daga: ket dagiti bato napispisida. Daydi centurion n̄garud, ken dagiti naicuyog

kencuana n̄ga nagbanbantay ken Jesus, idi nakitada daydi gingined ken dagiti naaramid, nagbutengda iti dackel unay, á cuncunada: Pudno n̄ga Anac ti Dios daytoy.

Juan 19:33-37

N̄gem idi dimtengda ken Jesus, agsipud ta nakitada á natayen, saanda á tinuccol dagiti sacsacana: nupay casta maysa cadagiti soldado dinuyocna ti bacrangna iti maysa á pica ket dagus á rimmuar ti dara ken danum. . . . Ta dagitoy naaramidda, tapno matungpal idi ti Surat: Uray maysa á tulangna saanto á matuccol. Ket . . . kitaendanto ti sinalputda.

Dagiti Aramid 2:24, 32

Isu á pinagunġar ti Dios, á n-calapsut cadagiti rigat ni patay; gapu ta saan á nabalinan á tenglen ni patay.

I Taga Corinto 15:55, 57

Adino ti yanna, O patay ti panagbal-ligim? Adino ti yanna, O patay ti panniludmo? Nġem yaman pay iti Dios á mangted cadatayo ti bal-ligi, gapu ken Apotayo á Jesu-Cristo.

Hebreo 2:14, 15

Iti casta, agsipud ta dagiti an-nac makiramanda iti lasag ken dara, casta met kencuana nakiraman cadacuada, tapno gapu iti patay

pucawenna daydiay addaan pan-nacabalin ni patay, cayatco á saoen, ti diablo; ken tapno maluc-atanna dagidiay á gapu iti buteng iti ipapatay, iti bayat ti amin á panagbiagda addada á paad-adipen.

Apocalipsis 1:18

Ken ti Sibibiag; ket natayac idi, ket adtoy, sibibiagac iti agnana-yon nġa awan inggana.

II Timoteo 1:10

Nġem naiparanġarang ita, á gapu iti panagparang ni mananġisalacan cadatayo á Cristo Jesus; isu á nangpucaw ken patay, ket imparanġarangna ti biag ken ti saan nġa ipapatay gapu iti evangelio.

Apocalipsis 3:20

Adtoy, siac addaac n̄ga agtac-tacder iti ruan̄gan, ket agtugtu-gac; no adda dumn̄gegto iti timec-co ket luctannanto ti ruan̄gan, sumrecacto kencuana, ket maki-pañganacto kencuana, ket isu, caniac.

Juan 20:22b; 16:24b

Awatenyo ti Espiritu Santo. . . Dumawatcayo ket umawatca-yo, tapno maananay ti ragsacyo.

Taga Roma 10:9

Agsipud ta no ipudnom babaen ti panagsao á ni Jesus isu ti Apo ket patiem iti pusom á ti Dios pinagun̄garna cadagiti natay; maisalacancanto.

Mateo 10:37a; 16:24, 25

Ti agayat iti ama wenno ina á nangnangrona n̄gem siac saan á maicari caniac; . . . Idin kinuna ni Jesus cadagidi adalanna; no sinoman á tao ti mayat n̄ga umay sumurot caniac paglicudanna ti bagina ket alaenna ti cruzna, ket surutennac. Ta uray siasino á mayat coma á manḡisalacan iti biagna, isu ti mapucawnanto; ket uray siasino á macapucaw iti biag-na gapu caniac isu ti masaracan-nanto.

Taga Galacia 3:29

Ket no taonacayo ni Cristo, dacay n̄garud ti caputotan ni Abraham, ken agtawid cas iti cari.

BABAEN KEN JESUS MAADDAAN TAYO TI BARO A BIAG

35

I Juan 5:11, 12

Ket daytoy isu ti pammanec-
nec: A ti Dios iniccannatayo iti
biag n̄ga agnanayon, ket daytoy á
biag adda iti Anacna. Ti agicut iti
Anac, adda biagna; ti saan n̄ga
man̄gupicup iti Anac ti Dios,
awan kencuana ti biag.

Taga Galacia 2:20a

Nailansaac á naicuyog ken Cris-
to; ket saan á siac ti agbiagen no
di ket ni Cristo ti agbiag caniac:
ket ti biag á pagbiagco ita iti
lasag, pagbiagco gapu iti pamma-
ti iti Anac ti Dios.

Taga Roma 8:2

Ta ti linteg ti Espiritu ti biag

ken Cristo Jesus, linuc-atannac iti
linteg ti basol ken ti patay.

II Taga Corinto 5:17

Gapuna no ti maysa adda ken
Cristo, isu baro á parsua: dagiti
banag á daan napalabasdan, ad-
toy nagbalinda á baro.

I Pedro 1:23; 2:2

A nabaliwancayo á nayanac, sa-
an n̄ga iti bukel n̄ga agrupsa, no
di ket iti saan n̄ga agrupsa á gapu
iti sao ti Dios, isu n̄ga agbiag ken
agtaeng. A cas ubbing á caiyanac,
tarigagayanyo ti awan lalaocna á
gatas á naespirituan tapno du-
mackelcayo gapu kencuana á mai-
paay iti pannacaisalacan.

Dagiti Salmo 68:5

Ama dagiti ululila, ken ocom dagiti babbalo, ti Dios iti nasantoan á pagnaedanna.

Ngem ita, O Jehova, sica ti Amami; dacami pilacami, ket sica ti agdamdamili; ket dacami amin gapuanannacami ta imam. . . . O Jehova, sica ti Amami; Mannubotmi isu ti naganmo manipud iti agnanayon. —Isaias 64:8; 63:16b

Mateo 7:11; 6:9

Ngarud no dacayo, idinto á dakescayo, ammoyo ti mangted cadagiti nasayat á sagságut cadagiti annacyo, Saan aya á nangnangrona pay ni Amayo nga adda sadi langit, á mangtedto cadagiti

nasayaat á banbanag cadagiti agdawat kencuana? . . . Dacayo, ngarud, agcararagcayo á castoy: Amami, nga addaca sadi langit, madaydayaw coma ti Naganmo.

Oseas 1:10b

Ket maaramidto iti lugar á naisao cadacuada, Saancayo nga ilic, maibaganto cadacuada, Dacayo ti annac ti Dios á sibibiag.

II Taga Corinto 6:17b, 18

Ket siac awatencayto, ket siac to ti Amayo, ket dacayonto ti annacco á lal-laki ken babbai; cuna ti Apo á Mannacabalin amin.

Ta dagup amin nga idalan ti Espiritu ti Dios, isuda dagiti annac ti Dios. —Taga Roma 8:14

BABAEN KEN JESUS MAAMMOAN TAYO TI DIOS A CAS AMA

37

Ni Jesus cunana kencuana: Siac ti dalan, ken ti pudno ken ti biag: awan ti umay ken Ama, no di magna caniac. No nailasindac coma, nailasinyo met coma ni Amac No adda agayat caniac, salimetmetannanto ti saoc ket ni Amac ayatennanto, ket umaycamto kencuana, ket makipagiancamto kencuana. —Juan 14:6-7, 23b

Taga Galacia 4:4, 5; 3:26

Ngem idi nadanunan ti aldaw, ti Dios imbaonna ti Anacna, á nayanac iti babai, nayanac iti babaen ti linteg, tapno subbutenna dagiti adda iti babaen ti linteg, tapno awatentayo coma ti pannacaibi-

lang nãa annac. . . . Ta annacnatay amin ti Dios gapu iti pammati ken Cristo Jesus.

Ngem cadagiti amin nãa imawat kencuana, iniccanna ida ti calintegan nãa agbalin nãa anac ti Dios cadagidiay á mamati iti naganna. —Juan 1:12

Ket no addanto siasinoman á macabasol, addaantayo ti Manangibabaet iti Ama, nãa isu ni Jesu-Cristo á nalinteg. —I Juan 2:1b

Taga Efeso 2:18

Ta gapu kencuana dacami ken dacayo addaantayo ti gundaway ti iyaasideg iti Ama, babaen ti maymaysa nãa Espiritu.

38 NI JESUS IYEGNA TI AYAT, RAGSAC, KEN TALNA

I Juan 4:16b

Ti Dios isu ti ayat; ket ti agtali-naed iti ayat, agtaeng iti Dios ket ti Dios agtaeng kencuana.

Taga Efeso 4:32

Ket managayanayatcayo agki-kinnaasi ken agpipinnacawanca-yo, á cas met ti Dios pinacawanna-cayo gapu ken Cristo.

Juan 13:35

Gapu itoy mailasindanto á dacayo ti adalac, no adda ayatyo iti maysa ken maysa.

Taga Galacia 5:22a

Ngem ti bungã ti Espiritu ayat, rag-o, talna, mabayag a panagitu-red

Dagit Salmo 16:11

Ipakitamto caniac ti dana ti biag: ita sanãoanam adda ti naananay á rag-o; ita macanawan-mo adda dagiti pacaayaywan nã agnanayon.

Taga Roma 5:1

Idinto nãarud á mapalintegta-yo gapu iti pammati, addaantayo ti pannakicappia, iti Dios, gapu ken Apotayo á Jesu-Cristo.

Juan 14:27

Ti talna ibatic cadacayo, ti tal-nac itdec cadacayo: saan á cas iti panangited ti lubong ti pana-nãgitedco cadacayo. Saan coma nã agpulcoc ti pusoyo ken di agbuteng.

NI JESUS PAGUNGARENNA DAGITI PUDNO A PASUROTNA

39

Taga Roma 8:11

Ngem no ti Espiritu daydi namagunġar ken Jesus cadagiti natay, agnaed cadacayo, daydi namagunġar ken Cristo cadagiti natay biagennanto met dagiti bagbagiyo a matay, babaen ti Espirituna nġa agnaed cadacayo.

I Taga Corinto 6:14

Ket ti Dios saan laeng á pinagunġarna ti Apo, no di ket pagunġarennatayto met gapu iti pannacabalinna.

Juan 6:40

Ta daytoy ti pagayatan ni Amac: Nġa tunggal maysa á ma-

cakita iti Anac ket mamati ken-cuana, adda coma biagna nġa agnanayon: ket isu pagunġarecto iti camaudianan nġa aldaw.

I Taga Corinto 15:21-23

Ta yantanġay gapu iti tao immay ni patay, gapu iti tao umay met ti panagunġar dagiti natay. Ta cas matayda amin ken Adam, casta met mabiagdanto amin ken Cristo. Ngem tunggal maysa iti batangna: ni Cristo ti umuna á bunġa; sumaruno dagiti tao ni Cristo iti iyaayna.

Juan 14:19b

Gapu ta agbiagac, agbiagcayto met.

SAAN YO A LIWAYAN DAYTOY DAKKEL A PANNAK AISALAKAN

Hebreo 10:28, 29

Ti maysa á tao á nangumsi iti linteg ni Moises, gapu iti dua weno tal-lo á sacci, matay nga awan asi: anianto á naing-inget á dusa ti pagarupenyo á maicari iti daydiay nangipayat babaen cadagiti sac-sacana iti Anac ti Dios, ket impatona á narugit ti dara ti tulag á nacasantificaranna, ket inumsina ti Espiritu ti parabur?

Juan 12:48

Ti tumal-licod caniac ket dina awaten dagiti saoc adda mangcom kencuana; ti sao nga insaoc isu ti mangcomto kencuana iti camaudianan nga aldaw.

Juan 8:24

Kinunac ngarud cadacayo á mataycayo cadagiti basbasolyo; ta no dicayo patien á siac daydi, cadagiti basbasolyo mataycayto.

Lucas 12:4, 5

Ket cunac cadacayo, gagayyemco: dicay pagbutngan dagiti mamapatay ti bagi, ket iti calpaskan, awan ti sabali á mabalinda nga aramiden. Ngem ibagacto cadacayo, no asino ti pagbutnganyo. Pagbutnganyo daydiay adda pannacabalinna á mangitappuac iti infierno, iti calpaskan ti panangpapátayna; pudno á cunac cadacayo: Pagbutnganyo daydiay.

Agsipud ta intudingna ti maysa n̄ga aldaw, á pananḡocomnanto á sililinteg iti lubong gapu iti day-diay lalaki á tinudinganna, á pina-necnecanna cadagiti isuamin, n̄ga pinagun̄garna iti tengn̄ga dagiti natay. —Dagiti Aramid 17:31

Ta ti Ama awan ti ocomenna, no di ket isuamin á pananḡocom in-tedna iti Anac; Tapno Dagiti isua-min padayawanda ti Anac á cas met iti panangpadayawda iti Ama. —Juan 5:22, 23a

II Taga Corinto 5:10

Ta masapul á datay amin mai-paran̄garangtayto iti panḡoco-man ni Cristo; tapno tunggal maysa awatenna dagiti supapac ti

inaramidna babaen ti bagina, na-imbag man wenno dakes.

Taga Roma 2:16a

Intono aldaw á ti Dios ocomen-nanto dagiti palpalimed dagiti tattao, gapu ken Jesu-Cristo.

II Taga Tesalonica 1:7b, 8

Ni Apo Jesus, n̄ga aggapu sadi langit, agraman cadagiti angelna cadagiti darang ti apuy. A balsen-na dagiti saan á man̄gammo iti Dios, ken di agtulnog iti evangelio ni Apotayo á Jesus.

Lucas 19:27

N̄gem dagidiay cabusorco á dida cayat coma n̄ga agariac cada-cuada, iyegyo ditoy, ket putulan-yo ida iti san̄goanac.

42 SAAN AMIN NGA MANGIBAGA A SUMOROTDA KEN JESUS KET CUCUA NI JESUS

Ipaduyacyacda n̄ga ammoda ti Dios: n̄gem gapu cadagiti ar-aramidda tal-licudanda. —Tito 1:16a

N̄gem ti saan á mangcupicup iti Espiritu ni Cristo, saanna á cucua. —Taga Roma 8:9b

Ket agtugawda iti san̄goanam á cas ti ilic, ket denggenda dagiti saom, n̄gem saanda ida á tungpalen; ta cadagiti n̄giwatda iparangda ti adu n̄ga ayat, n̄gem ti pusoda mapan á sumurot iti gongunada. —Ezequiel 33:31b

Mateo 15:8

Daytoy n̄ga umili dayawennac cadagiti bibigda; n̄gem ti pusoda adda iti adayu caniac.

Mateo 7:21-23

Saan á ti tunggal maysa n̄ga agcuna caniac; Apo, Apo, sumrec-to iti pagarian ti langit; no di ket ti mangaramid ti pagayatan ni Amac n̄ga adda sadi langit. Adunto dagiti agcuna caniac iti daydi-ay n̄ga aldaw: Apo, Apo, saanca-mi aya á nagipadto iti naganmo, ket iti naganmo pinaruarmi dagiti sairo ket iti naganmo nagaramid-cami cadagiti adu a datdatlag? Ket siac ipalgacconto cadacuada: uray caano dicayo naam-ammo! umadayucayo caniac, dacayo n̄ga agararamid ti dakes!

TI PUDNO A PASUROT NI JESUS KET AGTULNOG KENCUANA

43

I Juan 2:3

Ket gapu itoy, maammoantayo n̄ga isu am-ammotayo, no salimet-metantayo dagiti bilbilinna.

Ket isaadconto ti Espirituc iti unegyo, ket papagnaencayto cadagiti linlintegco, ket tungpalenyonto dagiti bilbilinco, ken aramidenyo ida. —Ezequiel 36:27

Hebreo 5:9

Ket idinto á naaramid n̄ga awan pagcuran̄anna, nagbálin n̄ga isu ti nakinaramid ti agnanayon á pannacaisalacan cadagiti isu-amin n̄ga agtulnog kencuana.

Ta datayo aramidnatayo, á narsua ken Cristo Jesus á maipa-

ay cadagiti naimbag n̄ga ar-aramid, isuda n̄ga insangana ti Dios idi, tapno magmagnatay coma cadacuada. —Taga Efeso 2:10

Ket idinto á nacalapsutcayo iti basol nagbalincayo n̄ga adipen ti kinalinteg. —Taga Roma 6:18

Taga Roma 8:13

Ta no agbiagcayo á mayannugot iti lasag, mataycayto; n̄gem no, gapu iti Espiritu, patayenyo dagiti ar-aramid ti lasag, agbiagcayto.

Mailasin ti Apo dagiti tattao á cucuana, ket umadayuda coma iti kinadakes amin dagiti umawag iti nagan ti Apo. —II Timoteo 2:19b

TI LUBONG GURAENNA DAGITI PASUROT NI JESUS

No ti lubong guraennacayo, am-moyo á ginuranac n̄ga immun-una n̄gem dacayo. No taga lubongcay coma, ti lubong ayatenna coma ti cucuana; n̄gem gapu ta saancay á taga lubong, no di ket pinilicayo iti lubong, gapuna guraennacay ti lubong.
—Juan 15:18, 19

Juan 16:2b, 3

N̄gem umay pay ti horas á siasinoman a mamapatayto cadacayo, panunutennanto á manḡidaton ti pagservina iti Dios. Ket dagitoy aramidendanto, ta dida amammo ni Ama uray siac.

I Juan 3:1b

Gapu itoy ti lubong saannatay

n̄ga am-ammo, gapu ta isu saanna á naammoan.

Dagiti Aramid 14:22b

Ket kinunada á masapul á lasatentayo dagiti adu á rigrigat iti iserrectayo iti pagarian ti Dios.

II Timoteo 3:12

Wen, ket isu-amin dagiti mayat n̄ga agbiag á nasantaon ken Cristo Jesus, aglacamdanto ti pannacaidadanes.

Juan 16:33b

Dagitoy insaoc idi cadacayo, tapno adda coma talnayo caniac: ditoy lubong addanto rigatyo: n̄gem manḡinanamacayo, siac pinarmecco ti lubong.

Isaias 41:10

Dica agbuteng, ta addaac kenca; dica agcullayaw, ta siac ti Diosmo; papigsaencanto; wen, tulongancanto: wen, tapayaencanto iti akinanawan nga ima ti kinalintegco.

Dagiti Salmo 27:10

No da ama ken ina baybayandac, ni ngad Jehova pidutennacto.

Hebreo 13:6

Iti casta mabalintayo á sao-en á sitatalged: ti Apo ti tumulong caniac, diacto agbuteng: ania ti mabalin nga aramiden ti tao caniac?

I Pedro 4:14a

No maumsicayo gapu iti nagan mi Cristo, nagasatcayo; ta ti Espi-

ritu ti dayag ken ti Dios agtaeng cadacayo.

Dagiti Salmo 91:11; 23:4a

Ta itdennanto dagiti angelesna nga agaywan kenca, tapno aluadandaca cadagiti amin á daldalanmo. Wen, uray magnaac iti ginget ti sipngget ni patay, diacto agbuteng iti dakes; ta sicucuyogca caniac.

Taga Filipos 4:13, 19

Mabalinac dagiti amin á banbanag gapu iti daydiay mamapigsa caniac. Ket ti Diosco punnoannanto ti amin á pacasapsapulanyo, cas mainugot iti kinabacnangna iti dayaw ken Cristo Jesus.

I Taga Corinto 10:13

Saan n̄ga immay cadacayo ti uray ania á pannacasulisog á di met simro cadagiti isu-amin á tat-tao: n̄gem ti Dios mapagtalcan isu á dinto mangipalubos á masulisogcayo iti aglabes iti mabalinyo; no di ket, maigiddanto iti pannacasulisog, isaganananto met ti dalan á paglissian, tapno mabalinyo á pagballigian.

I Juan 1:7

N̄gem no magnatayo iti lawag, cas isu adda iti lawag, adda pannakicadcadduatayo iti maysa ken maysa, ket ti dara ni Jesus n̄ga Anacna ugasannatayo iti amin á basol.

Hebreo 4:16

Umadanitay n̄garud á sitatalged iti trono ti parabur awatentayo ti asi ken macasaractayo ti parabur; á tumalong cadatayo iti aldaw ti pannacasapul.

Taga Roma 6:11

Casta met n̄ga ibilangyo ti bagiyó á natayen iti maipapan iti basol, n̄gem sibibiag ken Jesu-Cristo á maipaay iti Dios.

Santiago 4:7

Paiturayancay n̄garud iti Dios; n̄gem makibacalcayo iti diablo, ket isu agtalawto cadacayo.

Dagiti Salmo 119:11

Ti saom indulinco itoy pusoc, tapno diac agbasol kenca.

TI PUDNO A PANAGCARARAG KET MAKIPAGMAYMAYSA TI DIOS

47

Dagiti Salmo 27:8

Idi kinunam, Sapulenyoy ti rupac; toy pusoc kinunana kenca, ta rupam, O Jehova, sapulecto.

Agtaleccayo kencuana iti amin á tiempo, dacayo nãa umili; ibucbocyo ti pusoyo iti sangõananna: ti Dios isu ti camang á maipaay cadatayo. —Dagiti Salmo 62:8

Jeremias 17:14

Agasannac, O Jehova, ket maimbaganacto; isalacannac, ket ma-isalacanacto: ta sica ti dayawco.

Dagiti Salmo 66:18, 25:11

No ipategco ti kinadakes itoy pusoc, ti Apo saanto á dumnãeg: gapu iti caicarian ti naganmo, O

Jehova, pacawanem ti kinadakesco, ta dackel.

I Taga Tesalonica 5:17, 18

Agcararagcayo á di agressat; iti isu-amin, agyamancayo; ta daytoy ti nakem ti Dios ken Cristo Jesus ti maipapan cadacayo.

Juan 15:7

No agnaedcayo caniac, ket dagiti saoc agtaengda cadacayo, dawatenyo ti aniaman á cayatyo ket maaramidto cadacayo.

Dagiti Salmo 34:4

Binirbirocco ni Jehova, ket isu sinungbatannac, ket inispalnac cadagiti amin á panagbutbutengco.

I Taga Tesalonica 4:16, 17

Ta ti Apo met laeng aggapunto sadi langit á buyugen ti ariwawa, ti timec ti arcangel ken ti trompeta ti Dios, ket dagiti natay ken Cristo bumanġondanto nġa umuna; calpasanna, datayo á sibibiag, datayo á mabati, maitayabtayo á maicuyog cadacuada cadagiti ululep, á sumabet iti Apo, iti tanġatang; ket iti casta cancanayon nġa addatayto iti Apo.

Addacay met coma á sisasaganna; ta iti horas á dicay ipappapan, ti Anac ti tao umay. —Lucas 12:40

II Taga Corinto 7:1

Yantanġay adda cadatayo dagitoy a carcari, ay-ayatec, agdalu-

tay coma iti isu-amin á kinarugit ti lasag ken espiritu nġa an-ana-yentayo ti kinasanto iti panagbuteng iti Dios.

I Juan 2:28b

Tapno inton maiparanġarang, addanto panagtalectayo, ket santay á mabainan iti sanġoananna inton yaayna.

Santiago 5:8, 9

Aganuscay met coma; patibkerenyo dagiti puspuso, ta ti iyaay ti Apo asidegen. Saancay nġa agtantanabutub, cacabsat, ti macadadael cadagiti maysa ken maysa, tapno dicay mapabasol: adtoy, ti ocom agtatacder iti sanġoanan dagiti ruruangnan.

MAPNOCA TI ESPIRITU TI DIOS

Taliawenyo cadi toy panangtub-
n̄garco: Adtoy, iparucpocconto
ti espirituc cadacayo; ipacaam-
mocto dagiti saoc cadacayo.

–Dagiti Proverbio 1:23

... Agbabawicayo, ken mabau-
tizaran ti tunggal maysa cadacayo
iti nagan ni Jesu-Cristo á mai-
paay iti pannacaiccat dagiti
basbasolyo; ket awatenyonto ti
parangcap ti Espiritu Santo.

–Dagiti Aramid 2:38b

Ket dicay agbartec iti arac, isu
á pagbuslonan ti kinadakes, no di
ket mapnocay coma iti Espiritu;
n̄ga agsasaocayo coma ti mapac-
uyogan cadagiti salmos ken

himbimno ken naespirituan á can-
candon n̄ga icancantayo iti Apo
ket itococaryo cadagiti pustu-
soyo; n̄ga agiamancayo n̄ga agna-
nayon, iti Dios ken Ama, gapu
cadagiti isu-amin á banbanag,
babaen ti nagan ni Apotayo á
Jesu-Cristo. N̄ga agtulnog ti
maysa ken maysa cadacayo
babaen iti panagbuteng ken
Cristo. –Taga Efeso 5:18-21

Dicay ammo á dacay ti Templo
ti Dios, ket, ti Espiritu ti Dios
agtaeng cadacayo? Ta nagatang-
cayo iti maysa á pateg; pagda-
yawyo n̄garud ti bagiyo iti Dios.

–I Taga Corinto 3:16; 6:20

Dagiti paspaset ti Biblia a nailanad ditoy ket naala manipud iti Ti Biblia copyright 1982 nga impablaak ti Philippine Bible Society, 890 United Nations Avenue, Manila, Philippines. Naaramat dagitoy babaen ti panangipalubosda.

Published in numerous languages by World Missionary Press, Inc., as God supplies funds in answer to prayer. **For questions or more information by country, visit: www.wmp-contacts.org**

Libre – Saan Nga Ilaco

World Missionary Press
PO Box 120
New Paris, IN 46553-0120 USA
www.wmpress.org

6-25



Read booklets online or by App
www.wmp-readonline.org

1517 Ilocano HKG